

禪宗全書

雜集部(五)

藏書


主編

禪宗全書


雜集部十

藍吉富 主編

文殊文化有限公司 印行



禪宗全書



禪宗全書(全套一〇〇冊)

雜集部(十)

主編：藍吉富

發行人：洪啓嵩

出版者：文殊文化有限公司

總經銷：彌勒出版社

台北縣新店市自由街22號3F

(02) 9154056

印製者：國美照相製版社

定價：全套 八八〇〇〇元整

※版權所有・請勿翻印※

行政院新聞局版台業字第三六四三號

中華民國七十九年五月初版

一、宗鑑法林(下)

二、重編曹洞五位顯訣

三、定慧相資歌併警世

四、禪門諸祖師偈頌

五、禪宗雜毒海

目次


壹、宗鑑法林(下)	一
卷四十四：雪峰義存	三
卷四十五：雪峰義存——長慶慧稜	一五
卷四十六：保福從展——鵝湖智孚	二六
卷四十七：安國弘瑫——嘉州黑水	三八
卷四十八：雲門文偃	五一
卷四十九：雲門文偃	六三
卷五十：雲門文偃——香林澄遠	七四
卷五十一：洞山守初——雪竇重顯	八六
卷五十二：雪竇重顯——光孝已菴	九九
卷五十三：玄沙師備——大章契如	一一三
卷五十四：清涼文益——翠巖嗣元	一二八
卷五十五：青原行思	一四五

卷五十六：藥山惟儼——大顓寶通……………	一五六
卷五十七：長髭曠——道吾宗智……………	一六六
卷五十八：船子德誠——石室善道……………	一七七
卷五十九：洞山良价……………	一八七
卷六十：洞山良价——夾山善會……………	一九九
卷六十一：夾山善會——白雲約……………	二一三
卷六十二：雲居道膺——曹山本寂……………	二二六
卷六十三：疎山匡仁——欽山文邃……………	二三九
卷六十四：白水本仁——湧泉景欣……………	二五五
卷六十五：雲蓋志元——牛頭微……………	二六五
卷六十六：同安丕——蜀州西禪……………	二七五
卷六十七：護國守澄——淨衆歸信……………	二八五
卷六十八：梁山緣觀——芙蓉道楷……………	二九六
卷六十九：丹霞子淳——大明善滿……………	三〇七
卷七十：萬松行秀——顯聖圓澈……………	三二〇
卷七十一：博山元來——開元道霽……………	三三三
卷七十二：東山雲頂——黃巖覺真……………	三四五
貳、重編曹洞五位顯訣……………	三五九

序	三六〇
凡例	三六二
卷上・洞山五位顯訣	三六二
卷中・天童四借頌	三七三
先曹山本寂禪師逐位頌并註別揀	三七七
慈明和尚頌	三八〇
都頌	三八一
大陽楷五位答問	三八一
道吾眞五位答問	三八一
則之禪師五位頌	三八一
天童覺和尚頌	三八一
妙喜示衆	三八二
元眞長老揀	三八三
寶篋論	三八四
卷下・洞山三句	三八七
寶鏡三昧玄義	三八九
定齋閑閑居士曹洞贊	三九三
曹山本寂禪師三種墮四種異類	三九三

叁、定慧相資歌併警世·····	三九九
定慧相資歌·····	四〇〇
警世·····	四〇一
肆、禪門諸祖師偈頌·····	四〇三
原書目次·····	四〇四
卷上之上：佛祖傳法偈——洞山五王子頌·····	四〇五
卷上之下：通明因緣四則——看經誡·····	四二四
卷下之上：禪月大師山居——無盡法堂記·····	四四四
卷下之下：高邁長明燈記——沙門破二見·····	四六二
伍、禪宗雜毒海·····	四八一
序·····	四八二
原書目次·····	四八三
卷一：佛讚·····	四八三
卷二：雜讚·····	四九五
卷三：投機·····	五〇六
卷四：鈔化·····	五一九
卷五：雜偈·····	五三〇
卷六：雜偈·····	五四三

卷七：題號·····	五五三
卷八：山居·····	五六五



9.
冊
73
冊

宗鑑法林(下)

集雲堂

編



宗鑑法林卷四十四

集雲堂編

大鑒下六世

雪峰上堂盡大地撮來如粟米大拋向面前漆桶
不會打鼓普請看

長慶稜問雲門雪峰與麼道還有出頭不得處麼云
有稜云作麼生云不可總作野狐精見解又云狼藉
不少 雲峰悅云正上不足我更與你葛藤拈拄杖
云還見雪峰麼咄近來王令稍嚴不許攪行奪市
瀉山詰云我更爲諸人土上加泥舉拄杖云看看雪
峰老人向你面前放屬咄爲什麼屎臭氣也不知
智海逸云一等是弄精魂就中弄得好雖然如是好
事不如無 昭覺勤云絕天維立地紀未足稱奇劈
太華逗黃河亦非敏手若向者裏覷得透便可以撥
驪龍窟明珠噴旃檀林香氣豈不快哉今日不避泥
水放一線道乃拈拄杖云還見雪峰麼卓一下云割
斷隱嶽云陝府鎮牛不覺膽顫嘉州大象通身汗
流且道象骨老人面皮厚多少 越鑑徹云雪峰一

千五百人善知識被一粟米粒換却眼睛理安則不
然大地撮來無寸土覓一微塵了不可得打鼓普請
看箇甚麼

牛頭沒馬頭回曹溪鏡裏絕塵埃打鼓看來君不見
百花春至爲誰開翠峰顯

眉毛罽裏遊南嶽大海波心泛釣舟薄藝隨身終不
說從他打鼓看無休白雲端

疾蹤過風奔流度刃唱拍相隨拳踢相應轟然轟起
震天雷百艸頭邊春色回圓悟勸

撥動乾坤步轉移南觀北斗有誰知金烏暮向西山
急曉逐扶桑半夜飛石門易

鴻門急劍闌忙帶礪山河好主張神器非因爭戰得
大風起時雲飛揚是真王原不死龍華龕殿廊美
堪憐野色總無襯舊日流離長者子潮齋云

雪峰訪瓦棺茶話次乃問當初在德山斫木因緣
作麼生曰先師當日肯我師曰和尚離師太早時
面前有一盃水師曰將水來棺度與師接得便潑
却

雲門偃云莫壓良爲賤 廣潤融云山僧若作瓦棺
亦云先師肯我待雪峰潑水便命侍者裝香遙禮德
山云今日若非雪峰師兄何由得見先師大機大用
非但踞虎頭亦且收虎尾

雪峰指火曰三世諸佛向火焰裏轉大法輪時玄
沙曰近日王令稍嚴師曰作麼生日不許攬行奪
市

雲門偃云火燄爲三世諸佛說法三世諸佛立地聽
黃龍新云雪峰雲門交互爭輝忽若薪盡火滅三
世諸佛向什麼處聽乃云莫戀白雲深處坐切忌寒
灰燒殺人

火燄騰輝說最親無邊諸佛近前聞誰知更有傍觀
者鼻孔撩天不喜君白雲端

一堆猛燄瓦天紅三世如來在此中轉大法輪今已
了眉毛眨上起清風保舉男

韜鈴自古屬孫吳老將談兵不在書父子機籌閒較
計爾何贏了我何輸大雪間

雪峰塔銘曰兄弟橫十字同心著一儀土主曰松

山卵塔號難提更有胡家曲汝等切須知我唱泥
牛吒汝和木馬嘶但看五六月冰片滿長衢薪盡
火滅後密室爛如泥

翠巖芝云然寰中天子敕塞外將軍令雪峰前不至
村後不違店若是翠巖和泥合水且與麼三十年後
莫顛預

雪峰普請次路逢一獼猴師曰人人有一面古鏡
者箇獼猴亦有一面古鏡三聖曰曠劫無名何以
彰爲古鏡師曰瑕生也曰者老漢著甚麼死急話
頭也不識師曰老僧住持事繁

翠峰顯云好與三十棒復云者棒放過也好免見將
錯就錯 天童覺云當時若見雪峰道瑕生也但近
前云諾諾何故如此爭之不足讓之有餘 報恩秀
云三聖神鋒穎利每當點勘大難爲人其如雪峰大
方海涵天覆直饒浪激千層爭奈龍王不顧雖然也
須知他爛泥裏有刺 古南門云雪峰放去較危收
來太速三聖雖則當仁不讓要且自己話頭也不識
總被獼猴換却眼睛

堪笑山翁不識羞爲人頭上更安頭
巖前跳躑無尋處一片殘霞曉未收
保寧勇

鑒覺未萌全體現纔分鑑照便成瑕
要知瑩徹圓明處長短青黃總不差
白楊順

岸艸青青渭水流子牙曾此獨垂鈎
當時不得飛熊夢幾向斜陽歎白頭
楚石琦

多年一口磬忽地重安柄持出與人
看鄰家喚作飯天根本

雪峰在洞山作飯頭淘米次洞山問
淘沙去米淘米去沙師曰沙米一時去
曰大衆喫箇什麼師遂覆却盆山曰據
子因緣合在德山

瑯琊覺云雪峰與麼去大似拋却甜
桃粉沿山摘醉梨投青子云洞山恁麼
道是甚道理雖然一色乾坤爭奈山高
水闊所以野人云工夫不到不方圓言
語不道非眷屬淘米去沙淘沙去米乃
代峰出語云無影長生桂經霜結子頻
大衆喫箇什麼金鳳採香銜不盡玉
雛食蕊葉長新雪竇宗云直木不棲鸞
鳳金鍼已繡鴛鴦若不是新豐老人便
見冰消瓦解

天童覺云雪峰步步登高不見屨
跟斷若也正偏宛轉敲唱雙行自然言
氣相合父子相投且道洞山不肯意在
甚麼處萬里無雲天有過碧潭似鏡月
難明報恩秀云我則不然淘沙去米淘
米去沙向道滌盡塵沙不遺顆粒大衆
喫箇什麼粥將木杓舀飯用笊簍撈

滿盞盛來一物無豈同香積變珍酥
日月并輪長不照木人舞袖向紅爐
投子青

乖龍作雨非意測猛虎挾物不露迹
洞山雪老共相酬寥寥千古無人識
伊耆權

雪峰因僧問古澗寒泉時如何師曰
瞪目不見底曰飲者如何師曰不從口
入僧後舉似趙州州曰不從口入不可
從鼻孔裏入僧問古澗寒泉時如何州
曰苦曰飲者如何州曰死師聞乃曰趙
州古佛遂遙禮從此不答話

翠峰顯云衆中總道雪峰不出者僧問
頭所以趙州不肯如斯話會深屈古人
翠峰則不然斬釘截鐵本分宗師就下
平高難爲作者薦福懷云作麼生會

不答話底道理讀歎趙州則不無還知趙州一片玉
瑕生麼若人檢點得出相如不誑於秦王 長蘆夫
云扶豎宗乘須還大匠雪峰有一千五百人善知識
身心趙州用一百二十歲老作家手段不妨奇怪如
今衆中隨言定旨亂作褒貶深屈古人然則相席打
令似有知音鑲骨銘心罕逢明鑑 徑山杲云雪峰
不答話疑殺天下人趙州道苦面赤不如語直妙喜
則不然古澗寒泉時如何到江扶槽棹出獄濟民田
飲者如何清涼肺腑此語有兩負門若人辨得許你
有參學眼 育王權云一人隨波逐浪一人截斷衆
流總欠會在今日有人問古澗寒泉時如何須是親
見雪峰飲者如何問取趙州 南堂欲云雪峰一期
答語不知爬著趙州癢處趙州忍俊不禁不覺割著
雪峰痛處痛處癢癢處痛一時移在雪寶身上且道
者僧還曾夢見也無 瑞巖愍云今日有問古澗寒
泉時如何蟻子擎天柱飲者如何藕絲挂須彌且道
與古人是同是別 平陽恣云山僧即不然古澗寒
泉時如何浸爛鼻孔飲者如何穿過觸髅設若有箇

知氣息底問道與龍池水是同是別向伊道溪澗豈
能留得住終歸大海作波濤

懸崖雲橫覆雪峰青青趙老一雙瞳從前汗馬無人
識祇要重論蓋代功寶峰題

縱奪還他老作家奔流渡刃數如麻深深澗底無人
到飲者重添眼裏沙佛心才

雪峰古澗泉深趙老石橋水苦若知異水同源飲者
不妨疑悟不從鼻孔入白浪高三級從此不答話豈
免酬高價金剛圈子栗棘蓬解透橫行四天下 佛性

彼此抽先局勢平傍人道死底還生兩邊對坐無言
語盡日時聞下子聲海舟慈

連城價貴徒遭刖足肘後懸符當堂鼓腹不答話更
奇哉春風破雪老梅開林泉韻

嶺頭明月清光皦照見夜行路不平特地東君行禁
令更教疑殺浪遊人一菴月

雪峰住後僧問和尚見德山得箇什麼便休去師
曰我當時空手去空手歸

五祖演云如今說與透未過者有兩人從東京來問

伊近離何處却云蘇州便問蘇州事如何伊云一切尋常雖然瞞山僧不過何故祇爲語音不同畢竟如何蘇州凌邵伯藕保寧茂云從門入者不是家珍自己流出還同瓦礫老東山依模脫殼殊不知二大老食飽傷心雖然既是東京來因甚却說蘇州話展盡平生自己胸全機函蓋合圓融頭頭不失寰中主祇在逢緣不借中歸堂崑

雪峰因僧問我眼本正因師故那時如何師曰迷逢達磨曰我眼何在師曰得不從師

達磨迷時在少林今人不曉爲傳心堪笑迷人逢達磨三冬過後又新春天衣懷

裂破古今沒窠臼當機大闢血盆口脚尖趂出佛如麻李四張三無路走或卷盡

雪峰因僧請益臨濟四喝意旨師曰我當初行腳時便過河北已值大師遷化所以至今不知你要理會可往見它直下兒孫僧乃往見南院具陳前意院展具遙禮雪峰曰天下古佛

中峰本云言不在口語不在舌端的有來由特地無

交涉臨濟四喝豈但雪峰不知縱是它直下兒孫也未夢見在祇如南院遙禮雪峰是有來由耶無交涉耶者裏定當得下要見臨濟也不難肺山檀云熟輟略而法戰異雪峰直中未直明制度而禮義生南院仁却不仁惜者僧如說藥人真藥現前竟不能識若待雪峰道你要理會四喝意旨可見它直下兒孫便合掌云臨濟今日猶在後待南院展坐具遙禮雪峰正好向前踢倒云怎麼稱直下兒孫敢保未許當時者僧有者兩番手脚不獨光揚臨濟亦免後世滯句承言不韻音云李北海善書嘗謂似我者拙學我者死二師揭出臨濟通天活路可謂生死知己者僧雖似矮子觀場亦有勘破二師處

雪峰在洞山時山問作甚麼來師曰斫槽來日幾斧斫成師曰一斧斫成曰此是者邊事那邊事作麼生師曰直得無下手處曰此猶是者邊事那邊事作麼生師休去

汾陽昭代峰云某甲早困也雲溪挺云洞山飛電閃晴空雪峰擔雲入巖壑雖則兩兩作家者裏還欠

一著那一著待枯木樛花卽向汝道

雪峰因僧問寂寂無依時如何師曰猶是病曰轉後如何師曰船子下揚州

寂寂無依病正深雪老當年痛處鍼一喚喚回春夢破千山渾作木龍吟自得碑

雪峰因僧問聲聞人見性如夜見月菩薩人見性如晝見日未審和尙見性如何師打三棒僧復問巖頭頭打三掌

翠峰顯云應病設藥且與三下若據令而行合打多少天童覺學翠峰語畢云翠峰一期趁快往往後人作行令會殊不知雪峰巖頭是箇無固必漢南堂欲云前三後三應病與藥據令而行別有一著顧侍者云是那著侍者擬議便打出愚菴孟云雪峰打巖頭打若論見性猶隔羅幃在雲怡齋云巖頭雪峰同出德山之門橫行天下無敢擾其鋒者無端被箇孟八郎漢拶著直得手忙脚亂雪峰示衆此事不從唇吻得不從黃卷上得不從諸方老宿得合從什麼處得也須仔細

一滴珍珠紅醖醅殷勤相勸兩三回到頭欲盡東君意吞盡臨行上馬杯曉山巖

娥鬢雲鬟巧樣梳羅裳拂拂倩人沾爲敲玉板歌春怨低露花容見也無月期

雪峰辭洞山山日子向甚處去師曰歸嶺中去曰當時從甚路出師曰從飛猿嶺出曰今同向甚路去師曰飛猿嶺去曰有一人不從飛猿嶺去子還識否師曰不識曰爲甚不識師曰它無面目日子既不識爭知無面目師無對

瑯琊覺云心巖者識法林音云若以理論洞山不會直路接人若以事論雪峰至今還在半途若果從飛猿嶺來自然另有一番舉止諸人要識者無面目底不妨於雪峰處會其體於洞山處會其用

不打飛薦便到來大圓鏡裏絕塵埃東君節令分明也桃李年年二月開自得碑

雪峰問僧近離甚處曰覆船師曰生死海未渡爲甚麼便覆却船僧無語乃回舉似覆船船曰何不道渠無生死僧再來進其語師曰此不是汝語曰